

Khalid: Pakatan sukar kerjasama dengan HRP

MalaysiaKini.com

April 8, 2013

Oleh Zulaikha Zulkifli

Timbalan pesuruhjaya PAS Selangor Khalid Samad berkata Pakatan Rakyat sukar untuk bekerjasama dengan Parti Hak Asasi (HRP) yang bercadang untuk bertanding di kawasan yang dikuasai parti tersebut di Selangor dalam pilihan raya umum akan datang.

Khalid berkata, perjuangan Pakatan Rakyat berbeza dengan HRP, yang ditubuhkan dari serpihan kumpulan pendesak Hindraf.

"Mereka (HRP) hanya memperjuangkan satu bangsa sahaja iaitu kaum India. Berbeza dengan PAS, DAP dan PKR. Kami berjuang untuk semua kaum," katanya dalam satu sidang media di Shah Alam hari ini.

Beliau mengulas pengumuman bendahari HRP, A Sugumaran pada minggu lalu bahawa parti itu akan bertanding di kerusi parlimen Kota Raja, Kelana Jaya dan Kuala Selangor.

HRP juga akan bertanding di lima kerusi DUN dalam kawasan parlimen tersebut ialah Seri Andalas, Sri Muda, Seri Setia, Bukit Melawati dan Ijok.

Copyright © 1999-2012 Mkini Dotcom Sdn. Bhd

Source: <http://www.malysiakini.com/news/226148>